

四庫全書

集部

欽定四庫全書

集部

鶴山集卷九十七

五至七

詳校官庶亨_臣張溥

主事_臣呂雲棟覆勘

總校官檢討_臣何思鈞

校對官中書_臣宋枋遠

騰錄監生_臣陳槎

欽定四庫全書

鶴山集卷九十五

宋 魏了翁 撰

長短句

次韻李提刑堅白笑詞併呈李參政

誰分天種來上花鬢供綠葉素雲姿雅重那得愁心頻
捧他花自是無工不關香淡香濃才問為誰含笑盈
盈靴面歌風

約李彭州堅兄弟看荔丹有賦

雙荔堂前呼大撒，蚪枝看取垂垂帝。憐塵土著冰姿，故
教凍雨過浴出萬紅衣。綠幄頰圓高下處，中含玉色
清夷澹人應笑太真肥。破除千古恨，須待謫仙詩。

李參政璧領客訪環湖瑞蓮席間索賦

曉鏡搖空髻聳丫，夜盤承露掌分叉。翠芳綽約總無華
欲往從之空悵望，潛雖伏矣莫藏遮。淤泥深處瑞蓮
花

李參政璧賦浣溪紗三首再次韻謝之

一日嘉名萬口傳都憑新樂播芳鮮非關呈瑞作人妍
地褊不妨金步穩境幽生怕鼓聲填餘尊相與重留

連

密葉留香護境天好風時雨媚清連亭亭雙秀倚湖弦
造化曾居公掌握呈祥寧許百花先聊占棣萼帶芳

連

柳子厚雙蓮表雙
花擢秀連帶垂芳

試問伊誰若是班二喬銅雀鎖孱顏千年痕露尚餘潛
羞向眼前供嫵媚獨於靜處愜幽嫺人情多少逐河

間

生日謝寓公載酒

只記來時節又三年朱煒過了恰如時霎獨立薰風蒼
涼外笑傍環湖花月多少事欲拈還輟扶木之陰三千
丈遠茫茫無計推華髮容易過三十八 此身待向清
尊說似江頭汎乎不繫扁舟一葉將我東西南北去都
任長年旋折風不定川雲如撒惟有君恩渾未報又故
山猿鶴催歸切將進酒緩歌闕

和李參政壁惠生日

物象芸芸知幾許功夫來格更時把荷衣芟製從容平
熨雲淡天空詩獻狀竹深花靜機藏密對空前屏岫者
儀刑真顏色 商古道誰儔匹評今士誰鈞敵向平舟
問鴈久閒霜翮枰上舉碁元不定磨邊旋蟻何曾息儻
天公有意要平治饒華髮

送簡池宋倅

闕

之官即席賦

修姱人物元如許誰把屏星留卻弄破峨眉山月影似

作平分消息捲霧名譚翳雲長袖未稱三池客且然袖
手人間煩暑方劇 分手未見前期風前耿耿目斷斜
陽角亦欲乘風歸去也閒評故山猿鶴紈鼓聞雞揮絃
送鴈轉首成乖各願加飧飯書來頻寄新作

虞萬州

剛簡

生日用所惠詞韻

久向閒邊著對滄江烟輕日淡雨疎雲薄一片閒心無
人會獨倚團團羊角便舍瑟鏗然而作容室中間分明
見暮鷲飛不盡天空濶青山外斷霞末 看來此意無

今昨都不論窮通得失鎮長和樂此道舒之彌八極卷
却不盈一握但長把根基恢拓將相時來皆可做似君
家祖烈彌關洛康國步整戎畧

七夕之明日載酒李彭州堅家即席賦

銀潢濯月金莖團露一日清於一日昨宵雲雨暗河橋
似剗地不如今夕乘查信斷揶機人去誤了橋邊消
息天孫問我巧何如正為怕不曾陳乞

李彭州堅生日

促織誰遣汝唧唧不能休攬衣起舞四顧河漢淡如油
露下南山蒼蔚風抹西湖菱芰客感浩悠悠尚此推不
去歲壽兩公侯自侯歸閒日月幾春秋東方千騎何
事白首失為州曾有葛公清侶携上神仙官府玉案侍
前梳却袖經綸手歸伴赤松遊

王總御闕生日

自王家無念住襄城世總生賢似謝堦蘭樹馬庭梧竹
一一堪憐富貴關人何事且問此何緣又踏前朝腳領

蜀山川 點檢重關複閣尚甘棠匝地喬木參天中興
規畫父老至今傳六十年山河未改只芳菲不斷緊相
聯又參陪宰席還似當年

別李參政

壁

此別情何限最關情一林醒石重湖賓鴈幾度南樓携
手上十二闌干凭暖肯容我樽前踈散底事忽忽催人
去黯西風別恨千千萬截不斷整仍亂 三千瞥忽如
飛電記從前心情雙亮意詞交割千古黎蘇登臨意人

道於今重見又分付水流冰泮滿腹餘疑今誰問上牛頭淨拭乾坤眼聊爾耳恐不免

許遂寧奕生日

多少龍頭客數從前何官不做清名難得萬里吞羶歸報漢青瑣還催當夕又一葉扁舟去國許史廬前車成霧未如公正怕雲霄逼留不盡二三策一聲千里樓前笛過天涯浮雲不斷鎮長秋色試上層樓分明看無數水遥山碧問此意有誰曾識獨抱孤衷蒼茫外滿

關干都是長安日終有待佐皇極

和瞻叔兄除夕

一年一度屠蘇酒老我驚多又明年豈是更無年已是
虛過三十八年前世間何物堪稱好家有斑衣老相
期他日早還歸怕似瞻由出處不曾齊

劉左史光祖生日

岸容山意隨春好人在春風獨立立盡閒雲來又去目
斷一天紅日豈不懷歸於焉信宿此意無人識只看鬢

髮絲絲都為人白
風露正滿人間
鶻睡息渾不知
南北要上南山披蒼蔚
誰是同心相覓
天運無窮事機
難料只有儲才急
願公壽考養成元祐人物

和劉左史

光祖

人日遊南山追和去春詞韻

天公只解作豐年
不相治遊天小隊
春旗不動行庖晚
突無烟
吟鬚撚斷寒爐撥
盡鴈自天邊喚起
主人失

笑寒灰依舊重然

公所論聖忌日事凡歷二十年而
所上疏亦半年餘才見施行故云

元夕行燈轎上賦
洞庭春色呈劉左史

花帽簷行寶釵梁畔還是上元看去年芳草如今又綠
當時皓月此夕仍圓節序驅人人不解道歲歲年年都
一般看承處有燭龍照夜鐵鳳連天東風不知倦客
又吹向樓閣山巔任管絃鬧處詩豪得志綺羅香裏俠
少當權客與溪翁無一事但隨俗簪花含笑看無限意
更醉騎花影飽看豐年

次韻劉左史

光祖

自和去年元夕詞

春漏逢懽恐不深銀花火樹燦成林酒中和樂無窮味

燭裏光明一寸心
金馬湖玉堂尋風流文獻未如今
連宵坐我東風裏
春滿肝脾月滿襟

劉左史

光祖夫人生日

劉郎初度隨春到
尚記綵衣春立又上夫人千歲壽
相望不曾旬日琴瑟儀刑山河態度長
是春風識都將和氣蒸成滿院紅白
我被五十紅陳三升官酒驅到鄣
城北邂逅相逢同一笑
此會幾年難覓寶蠟燒春花光
縞夜未放觥籌急
天然真樂儻來知是尤物

同官載酒為叔母壽次韻為謝時自潼過遂

射洪官酒元曾醉又六十八年重至長江驛畔水如藍
也應似向人重翠 人生豈必高官貴願長對詩書習

氣陶家髻子作賓筵有如个嘉賓也未

外祖譙公初任射洪簿再為長

江令叔母生於射洪故云

叔母生日用許侍郎奕所和去歲詞韻為謝

誰主誰為客嘆人生別離容易會逢難得省戶高門十
年夢瞥忽渾如昨夕風不定亂雲飛急本自無心圖富

貴也元知富貴無緣逼且還我兔園策誰知一曲柯
亭笛向天涯依然邂逅長安本色怪我阿婆今老眼已
是看朱成碧但猶記黃裳曾識多謝殷勤無以報願阿
婆長健如今日送公去上霄極

和虞萬州剛簡所惠叔母生日詞韻

人生一世如此元如此造化都從起時起看庭前桃李
弄藥開花還又看一度成陰結子母壽親認取葉葉
枝枝一氣分來結成底便得故人書遺我新詞把寸心

分明指似這過眼浮華幾何時
剗培植根心等閒千歲
婦生日許侍郎奕載酒用韻為謝

曾記劉安雞犬誤隨鼎竈登仙
十年塵土澆行纏怪見
霞觴頻勸會合元非擇地
乖逢寧得非天婦聞風月
正嫵媚親潑床頭醅面

叔母生日劉左史光祖以余春時所與為壽詞
韻見貺復用韻謝之

夢中猶記來時路
五馬踟躕攢立江北城南
春澹沲山

鎖一天晴日伊軋征車徊徨去意只有東風識如今遠
在誰人伴我浮白 天外一曲陽春依然有脚來到萱
堂北不是奇情雙照亮肯寄鱗鴻相覓酒引曹醇歌翻
楚調觸撥歸心急醉魂時遶鶯花世界風物

叔母生日

人道三十九歲暮日斜時兒身如許才覺三十九年非
昨被玉山撈取今仗牛山挽住役役不知疲自己未能
信漫仕亦何為 亦何為應自歎不如歸問歸亦有何

好堂上綵成圍上下東岡南陌來往北鄰西舍邊地看
兒啼富貴適然耳此樂幾人知

和費五九文闕

見惠生日韻

早歲騰身躋輦路秋月春風只作渾閒度手挾雷公驅
電母袖中雙劍蛟龍舞如此壯心空浪許四十明朝
忍把流年數又過一番生日去壽觴羞對親朋舉

新亭落成約劉左史

光祖和見惠生日韻

又一番雨過倚閣炎威採支秋色前度劉郎為故園一

出黃髮絲絲赤心片片儼中朝人物詩裏香山酒中六
一花前康節 倦客才歸新亭恰就萱徑陰濃葛林香
發尊酒相逢看露花風葉躍躍精神生生意思入眼渾
如滌更祝天公收回積潦放開晴日 久雨故云

次韻李參政璧見貽生日

水花湖蕩翠連天記年年甚因緣鬪鴨闌干雲霧踏青
妍人似風流唐太白披紫綺卧青蓮 如今別思浩如
川欲騰騫隔風烟月到天心人影在長編只有此身飛

不到翔鴈側狎鷗邊

和許侍郎 夾韻

千里樓前客數從前幾般契分更誰同得尚記流鶯催
人去又見莎鷄當夕嘆天運相煎何急幸自江山皆吾
土被南薰吹信還相逼臨大路控長策向來風月蘇
家笛問天邊玉堂何似黃岡秋色萬事無心隨處好風
定一川澄碧些箇事非公誰識我亦年來知此意但聰
明不及於前日誰為我指無極

賀劉左史光祖進職奉祠

許大才名知幾許功夫做得獨自殿三朝者舊歸然山
立出處只從心打當去留不管人忻戚抱孤衷脉脉倚
秋風無人識龍可養凡鱗匹鸞可摯凡禽敵便翩然
歸作玉龍仙客枰上舉棋元不定磨邊旋蟻何曾息儻
天公有意要平治饒華髮

劉左史光祖別席和韻

一襟滿貯梓城春笑聲頻筆揮銀自有江山長是管將

迎不似如今歸去客雲外步水邊身
蕭然今代傑魁人混光塵越精神
不把浮雲軒冕拂天真化洽堂邊應
創見人物舊榜顏新

約劉左史

光祖

謝會再和

如公何地不陽春往來頻醉傾銀聞道河陽童稚正懽
迎移向德威堂上著疑潞國是前身 行人還又送行
人夜無塵對丰神自古知心別語轉情真須信人生歸
去好三徑舊四時新

又

西來紫馬倦行春，上書頻闕排銀願。
聽臣歸子舍，更將迎。又為老臣全晚節，
闕教化係臣身。帝心終矚老成人，
想音塵倍留神。且把閒風淡月與全真，
出處如公都有數。今古夢幾番新。

同官酌酒相賀再和前韻

與君同醉梓州春，不辭頻漏更銀尚。
記梅時出郭喜相迎。又對西風斟別酒，
雲過眼月分身。儻來官職不關

人等微塵苦勞神更向中間謾說假和真只有交朋關
分義無久近與陳新

別許侍郎

奕即席賦

公在春官我已歸公來東蜀我居西及公自遂移潼日
正我由潼使遂時如有礙巧相違人生禁得幾分飛
只祈彼此身長健同處何曾有別離

許侍郎

奕生日

十月二十日

記北人騎屋看龍首許仲元自擁節來歸持荷直上誰

與爭先好官到頭做徹些
兒欠缺便徒然我愛慶元龍
首當春不遂時妍
人天地兩儀間且住百來年
數初度庚寅未來甲子儘自寬
閒太平竟須公等終不成造
物謾生賢拾取面前路徑着
身常要平寬

宴遂寧新進士

記薰風殿上曾當暑侍君王
看絳服臨軒白袍當殿流
汗翻漿今年詔書催發趁槐
庭初夏午陰涼瘦馬行時
臘雪疊猿啼處年光
大科異等士之常難得姓名香

嘆陋習相承，駒轅垂耳，麟植成行。平生學為何事，到得時遇，主忍留藏。看取杏花歸路，身名渾是芬芳。

即席和韻

問梅花月裏誰解唱，小秦王向三疊聲軒。蘭橈荃棹，桂醕椒漿，明朝濮渝江上。對暮雲平野，北風涼準擬八千里路，破除九十春光。硯涵槐影漾，旂常披拂，御爐香念人世難逢。玉堦方寸，陞楯顏行，休言舉人文字繫一生窮達。與行藏凡卉都隨歲換，幽蘭不為人芳。

西江月夢中作覺後渾能省記獨欠第五句因
足成之曉起大雪

一段同雲似練更無刺幅間邊玉娥不怕五更寒剪就
飛花片片酒裏吟邊競爽枝頭枝底爭妍入春無物
不芳鮮只我依然顏面

許侍郎奕碩人生日

十二月二十二日

新符舊歷交割新年餘十日誰識春華元住東川太守
家一年一曲擬盡形容無可祝願以庭梅長向春風

伴斗魁

劉左史

光祖生日

正月十日

見說新來把閒事都齊閣束日用處渾無凝滯天機純
熟簾捲春風琴靜好庭移曉日蘭芬馥笑可曾些子上
眉頭縈心曲 吞宇宙船明玉批風月詩成軸問人間
底處升沉榮辱與我言今雖我願不吾以也吾常足但

年年先後放燈時筭新醪

先後放燈併謂
夫人九日生也

同官約瞻叔兄飲於郡圃海棠花下遣酒代勸

東君慣得花無賴，看不盡冶容嬌態。擬傍小車來，又被
輕陰給。陰晴長是隨人改，且特地留花相待。榮悴故
尋常，生意長如海。

與同官飲於海棠花下，燒燭照花，即席賦。

自有天然真富貴，本來不為人妍。謹將醉眼著繁邊，更
擎高燭照。驚攪夜深眠。花不能言，還自笑，何須有許
多般。滿空明月四垂天，柳邊紅沁露。竹外翠欺烟。

次韻同官約瞻叔兄及楊仲博約賞郡圃牡丹。

併遣酒代勸

玳筵綺席繡芙蓉客意樂融融吟罷風頭擺翠醉餘日
脚沉紅 簡書絆我賞心無託笑口難逢夢草閒眠暮
雨落花獨倚春風

東叔兄生日

去歲玉堂山下住母旁後弟前哥今年作縣古松坡靜
參朱祭酒閒印馬頭陀 去路便無山隔斷春風駿馬
經過不妨緩轡儘婆娑願申臨別語長使得天多

小圃牡丹盛開舊朋畢至小閣寓意

昨夕相逢烟苞沁綠月艷羞紅旭日生時初春景裏太
極光中 別來三日東風已非復吳中阿蒙須信中間
陰陽大造雨露新功

叔母生日每歲兄弟多以校試莫遂綵衣團樂
之樂今歲復爾良以缺然小詞寄五兄代勸

養得男兒百不中年年隨舉子踏春風

一作年年蠶
蟻陣作元戎壽

觴庭院燕泥融將雛處長是半西東 移孝便為忠兒

行雖遠母心同若將一念答天公歸來拜也勝橘雙
紅

即席次韻張太博方為叔母生日賦

暮雨收塵馬薰風起籜龍夜涼人鎖武成宮却憶親旁
壽餅薦油葱誰錫詩人類應晞潁谷封兒行雖遠母
心通觸撥今宵夢逐綵雲東

瞻叔兄生日 五月三日

夢魂不踏正牙班直作五雲間簡編真樂壩篴雅韻叔

水清懽 都將瞥忽榮華事春夢曉雲看只期他日實
頭受用大耐高官

南叔兄生日用前韻

五月六日

不居上界列仙班梅隱寄幽閒玉堂雲曉玉珍雨夜總
是真懽 如兄才譽居人上鵬路正看看只祈兄弟長
隨母健不愛高官

次韻許侍郎

奕為叔母生日

壽觴庭戶正柳酣桃炫擬斫江魚鱠銀線被春風吹入

錦城中惟有夢時到輕軒翠隱
歸來春已過桃柳
成陰但喜庭闈鎮強健更得故人書遺我瑰詞應重記
去年相見望白鶴朱霞香難攀謾芳草如烟青青河畔

又次韻為婦安人生日

夫子同年第太常偶然二內亦同鄉其間更有真用處
道義場中無別香 花入思繡為腸不妨冬月作重陽

家人但歎今年會猶欠腰金與鞠黃

冬月重陽日東坡事鞠黃夫人鞠衣

也

叔母生日劉左史光祖以余正月十日所與為
壽詞韻見貽至是始克再用韻謝之

彼美人兮不肯為時人粧束空自愛北窓睡美東鄰醅
熟不道有人成離索直教無計分膏馥望鶴飛不到暮
雲高闌干曲 駒在谷人金玉槃在陸人寬軸笑吾今
何苦耐司空辱應為嗷嗷烏反哺真成落落蛇安足到
梓州舊事上心來呼盃醪

鶴山集卷九十五

欽定四庫全書

鶴山集卷九十六

宋 魏了翁 撰

長短句

再和班字韻謝南叔兄見貽生日

北風不競帝師班
雨足桔槔閒且容湖使靜
中藏拙忙裏偷懽
一枰黑白終何若
未可目前看自量
愚分不堪世用只稱田官

生日謝同官

六月八日

四十之年頭顱如此豈不自知正東家尼父嘆無聞日
鄒人孟子不動心時顧我未能真自信算三十九年渾
是非隨祿仕便加齊卿相於我何為 人間鬱蒸難耐
誰借我五萬蒲葵上玉臺百尺天連野樹高樓千里江
射晴暉此意分明誰與會但時把瑤笙和月吹吾歸矣
有鴻相與和鶴自由飛

送趙閬州希異之官

凍雨洗煩濁烈日霽威光逸人去作太守旗志倍精芒

莎外馬蹄香濕柳下旒陰晨潤景氣踏蒼蒼夾道氣成
霧我獨犯顏行 對顏行斟尾酒點頭網請君醜此更
拌頃刻笑譚香為問錦屏富貴孰與熙寧諫議千古蔚
儀章世道正顏靡此意儻毋忘

再用初八日韻謝通判運管以下

安石聲名買臣富貴我不敢知謾揚州汎汎浮湛隨水
閭門軌軌開闔從時滿目浮榮何與我只贏得一場閒
是非誠知此問不歸何待不飲胡為 崑松澗篁易老

應只能采菽烹葵看風沙漠漠未清紫邏烟雲冉冉時
露晴暉誰喚當年劉越石為携取胡笳乘月吹吾無用
但寤言獨宿奮不能飛

次韻東叔兄見貽生日

內貴何妨知我希芳蓀紉佩石蘭衣不教塵外專雲壑
誰向人間駕使駢憂國夢遠端闈靜言思奮不能飛
時因風雨思疇昔嘆兩蘇公盍不歸

次韻高才卿泰叔見貽生日因以為壽

桃李眩春晝松柏傲霜時春妍不必皆是晚秀未為非
畫斧河邊瘴霧叱馭關前險阻馬竭復人疲胡不効濟
等趣取好官為居之安于胥樂詠而歸羶裘鳩舌成
市書史儼相圍月淡秋亭烽影日靜春齋鈴索未聽杜
鵲啼美酒沽深巷莫道不吾知

次韻劉左史

光祖

和三月十八日詞見貽生日

開漢江山落手中滿城花燦爛錦蒙戎與人和氣樂融
融應憐我留滯劔南東風味兩文忠恍如疇昔夜一

樽同如今海內幾劉公
覘天意猶在笑顏紅

次韻李參政壁見貽生日

閒放樓前千里目
天邊雲大如圍秋風入帽露華新無
端憂國夢應到守封臣
舊弼如今都有幾長教燕坐
申申折楊笑面背陽春
憂醒頭欲雪濁夢肺生塵

賀許侍郎夾得孫

三十作龍首四十珥貂蟬
幡然携取名節錦繡蜀山川
攬轡扶桑初曉飲馬咸池未盱來
日儘寬閒茲事亦云

足所樂不存焉 女垂髫兒分鼎婦供鮮尊章青鬢未
改和氣玉生烟造物猶嫌缺陷要啓公侯衮衮又畀賈
嘉賢公更厚封植自古有豐年

又畀賈嘉賢一
作更着一燈傳

杜安人生日

七夕長留河漢女重陽又屬騷人只餘八八號佳辰中
和無與擬椿作一家春 俗事縈人何日了隨緣女嫁
男婚却將不繫自由身閒中書日月隨處弄兒孫

九日席上呈諸友

舊日重陽日嘆滿城闌風去雨寂寥蕭瑟造物翻騰新
機杼不踏詩人陳跡都掃蕩一天雲物挾客憑高西風
外暮鷺飛不盡秋空碧真意思浩無極 鮐詩酒帽茱
萸席算今朝無誰不飲有誰真得子美不生淵明老干
載寥寥佳客無限事欲忘還憶金氣高明弓力勁正不
堪回首南山北誰弋鴈問消息

送趙監丞 闕 赴利路提刑

西風吹信趣征鞍日高鴻鴈寒稻梁啄盡不留殘儂歸

阿那邊 無倚着只蒼天將心何處安長教孫子滿人
間猶令儂意寬

送客歸來道中再得數語

驪駒未徹客乘鞍征鞭搖晚寒鴈邊醒夢角驚殘關山
斜日邊 求道地託恩天人情久亦安轉移都在笑顰
間鄙夫應也寬

茂叔兄生日

雲外羣鴻逐稻梁獨乘下澤少游鄉赤心片片為人忙

俗事縈纏何日了自身活計孰為長閉門書卷聖賢
香

許侍郎奕生日

惠我田疇拯民水火春滿蜀東更山連睥睨長蛇隱霧
紅移杓約扶握切
流星也雌蜺橫空人卧流蘇行席上公心事

久闌晨枕中長自苦算無人識得只有天公 天教百
般如願也應是天眼惺惚看田間泥飲門無夜打水濱
廬處戶有朝春擬上公堂稱兕爵酒未抵人間春意濃

無可願願城池永與公壽無窮

李參政璧生日

宇宙一大物掌握付諸人人心不滿方寸坎北浩無垠
或者寒蟬自比不爾禿犀貽笑齷齪竟何成胡不引賢
者相與共彌綸 未如何嘗試使問蒼旻四時迭起代
謝有屈豈無伸昨夜伶倫聲裏一氣排陰直上陽德與
時新道長自今日特此慶生申

劉監丞翊之生日

迺翁表裏玉無瑕，渾是得天多。一生受用不完全，處都
補填他。郎君心念和平處，似得十分家。天何以報重
重印字滴滴簷窠。

西叔兄生日

不肯呈身覓舉，那能隨俗為官。梅花寒颭書窓月，一味
溧陽酸。梅裏無邊春事，書中千古遐觀。鄰翁不識清
閒樂，驚見滿堂歡。

許侍郎奕碩人生日

無端嫁得龍頭客富貴長相迫雲深碧落記驂鸞又逐
東方千騎到人間 婦前百拜兒稱壽季也參行酒最
憐小女太憨生約住兩頭娘子索新聲

劉左史

光祖

之生正月十日李夫人之生以十

九日賦兩詞寄之

老眼靜中看知我其天紛紛得失了無關花柳乾坤春
世界着我中間 世念久闌珊隨寓隨安人情猶望袞
衣還我願時清無一事儘使公閒

鶴外倚樓看雲點晴天天高雞犬礙雲闕掉臂雙山留
不徹還住人間 客佩振珊珊來賀平安年年直待卷
燈還似是天公偏着意占破春閒

叔母慶七十

兒前捧勸孫扶掖共慶賀孃孃七袞此杯不比尋常百
年間才是省陌 眼前綵繡成行立已應是天公偏惜
何須剝覓長年且只消一百二十

東叔兄生日

才難如此一門生許竒男子長公更是惺惺底千百年
間一寸心為紙人知公在詩書裏天知公在詩書外
人間百順由公起公把無心總備人間事

叔母生日同官載酒用去年詞韻

風雨移春醉夢中忽然吹信息墮瀟戎青烽風物換朱
融吾歸矣家在月明東公等為人忠年年稱母壽一
尊同恨無佳句可酬公相期意滴滴小槽紅

叔母生日次韻許侍郎

奕臨江仙為壽

春院繡簾垂篆籀一天風月橫陳慈親初度紀嘉名每
從歌舞地猶記傑魁人 大句忽隨烏鵲至恍如前歲
逢春只祈歲歲及茲辰天風吹寶唾華彩動文星

叔母生日同家人勸酒

涪右金華宅上有蔚藍天當年玉女何事未擺世間緣
要把平夷心事散作吉祥種子春暖玉生烟回首生處
所更欲與周旋 自歸來生處所已三年山頭白鶴候
我應訝久留連已作秋風歸夢忽遮春風消息吹我著

瀘川安得且歸去
綿上飽耕眠

約程漕使

遇孫

初筵勸酒

記幡然持節下青雲
巴月幾成弦待竹枝歌
徹訟棠匝地靡草連天
却尋當年舊夢來使蜀
東川人物寥寥甚禁許
回旋愧我推擠不去尚
新官對舊後任如前與
故人飲酒月露寫明蠲
嘆書生康時無計謾憂
思時墮酒痕邊且只願
早休兵甲長見豐年

次韻費五十九丈

關

題秋山閣有感時事

霞下天垂宇倚闌干月華都在大明生處扶木元高三
千丈不分閒雲無數謾轉却人間朝莫萬古興亡心一
寸只涓涓日夜隨流注奈與世不同趣 齊封冀甸今
何許百年間欲招不住欲推不去闡斷河流障海水未
放遊魚甫甫嘆多少英雄塵土挾客憑高西風外問舉
頭還見南山杏花爛熳草蕃廡

次韻西叔兄訪王總幹

萬

夢隨瘦馬渡晨烟月猶弦稻初眠宇宙平寬著我一人

閒夢破枇杷香滿袂應喚我駐行鞚

王氏之門
枇杷正開

鴈

聲砧杵落晴川撫流年嘆慳緣隨世功名未信果誰賢

目斷孤雲東北角離復合斷還連

時聞山東河北歸
附者方費區處

即席次韻南叔兄同親友餞王萬里萬回宣幕

鬢霜盈握嘆留牧荒墟稻梁衰索落日牛羊晚雲鴻鴈

傍地飛空無着牧人困和雨睡田父醉連雲酌醉夢未

醒虎嘯川谷麋驚林薄離別誰不惡心事同時都不

論離合眼底時幾鼻端人物誰辨北征東畧最憐世途

局趣只道書生疎濶無可贈君松陰庭院菊華籬落

即席次韻宋權縣彝約客

世道何常都一似水流雲出歎自古燕巾濫竇楚山迷
璧老我如今觀變熟行藏語嘿惟時適似滄溟容得乘
禽飛雙鳧集花露曉松風夕經味永山光吸歷巖中
考第案頭月日物欲強時心節制才資弱處書扶掖擬
棕鞋桐帽了平生投簪鳥

即席和李潼川臺韻

青燕卧霜角月魄幾回哉一聲雲鴈清叫推枕賦歸來
流水落花去路畫象棠陰陳迹霄漢傍樓臺別憶入梅
艷愁色上蓬萊 記來時驚列缺走吳回人間都失七
箸老婢亦驚猜疋馬曉風鞭袖孤堞暮烟烽柝揮却挂
蛇杯不負此邦去笑口也應開

約李潼川飲即席賦

昨夜嚴家集

是夕飲于嚴氏園

霜斗颭晴天乾坤如許空闊著

我兩人閒醉帽三更月影別袂一簾花氣語雋不知還

二十年間事肝肺寫明蠲
記相逢一似昨兩經年風
波鬧處推出心膽至今寒也為故人飲酒也念邦人懷
舊姑為駐征鞍未忍作離語留待月華圓

賀李潼川

真

改知常德府

更盡一杯酒春近武陵源源頭父老迎笑人似老癯仙
檢校露桃風葉問訊渚莎江草點檢舊風烟世界要人
拄公獨卧閒邊 嘆從來分宇宙有山川主賓均是寄
耳羸得鬢毛斑最苦中年相別更是人才難得相勸且

加餐歸為玉昆說時寄我平安

劉左史

光祖

生日慶八十

山嶽會元氣初度首王春扶持許大穹壤全德付耆英
二萬九千日力四百八旬甲子釀此傑魁人玉劍挂霜
斗金鎖制天扃學宗師人氣脉國精神不應閒處袖
手試與入經綸磊落蟠溪感遇迨遞彭錢歲月遠到漆
園椿用舍關時運一片老臣心

十五日同憲使觀燈馬上得數語

解后皇華並轡遊追隨世好學風流兒童拍手攔街笑
只是酸寒魏梓州 千炬燭數聲謳不知白了幾人
頭惺惚兩眼看來慣且得人心樂便休

十六日再賦

兩使星前秉燭遊滔滔車馬九河流耳聽宣政升平曲
目斷炎興未復州 聞鼓吹強歡謳被人催送作遨頭
憑誰為掃妖氛靜却與人間快活休

再和四年前遂寧所賦韻

一點陽和渾在裏時來爾許芳妍春風吹上醉痕邊雋
歡欺淺酌清語失佳眠聊把繁華開笑口須臾雨送
風般因花識得自家天炯然長不夜活處欲生烟

汪提刑景宜人生日

莊敏傳家文安嫡胄文惠諸孫兩大相輝晉秦匹國韓
姑盈門天風吹下雙軒恰趁得醑醑牡丹錦繡光中
殿春不老閱歲長存

錢汪漕使景勸酒

可煞潼人真慕顧，接得官時只道來。何暮歲歲何曾椿，
得住遂人又見迎。將去謾自兒曹相爾汝，心事同時
千里元相悟。況是棠陰隨處處，秋江夜月春空霧。

王子振

辰應

生日同書院諸公各賦一闕

鳴蟬泊雨晴，雲濕游龍剪岸涪。江碧氣候爾和平，滿家
渾是春。公堂雖有酒不敵公，真有壽宿對魁星。頰紅
衫髮青。

次西叔兄送南叔兄赴鈐幹見寄韻

中年怕踏長亭路便自有離愁苦一自送君趨幕府惺
惚鶯舌呢喃燕嘴那解春無語三年山月移朝暮獨
倚松風等閒度到得除書縈絆住却愁不似當時皓月
長伴君來去

即席和書院諸友

早厭人間腐鼠要希雲外飛凰義和不肯繫朝陽任向
鬢邊來往出谷聲中氣味編蒲冊裏晶光至今心膽
為渠狂夢倚銀潢天上

虞簡州剛簡生日

牛酒享賓客焦爛列前榮有人先事早計殘突伴孤星
香火家家繪象磬鼓村村祠宇剪不斷人情清唳九皋
鶴喚起夢魂惺白蘋洲芳草渡玉湖亭畫簾挂起簑
簑一卷易同盟携手錦江籬隱覩面墨池玄叟扶杖蜀
君平三老靴然笑雲散太空清

應提刑懋之生日

紅杏花邊曾共賞天涯還是相逢人言契分兩重重誰

知聲利外別有一般同
炯炯竒情雙亮處天光水色
相通磨中旋蟻渺何窮共扶天事業此意政須公

范遂寧

子長生日和所惠詞韻報之

千里樓高人與並箇中徹地通天秋風吹髮半成仙都
將彊歲月空對舊山川 養就人才端有意公今三祖
差肩偏輕偏重幾番船要公常把拖容我老閒邊

茂叔兄生日

占斷人間閒富貴長秋應是長春前山推月上簾旌緩

觴尋舊友急拍按新聲
時倚晴空看過鴈幾州明月
關情知君早已倦青冥時來那得免事業一窓螢

送西叔兄之官成都

逢着公卿誰不道人才難得須認取天根一點幾曾休
息未問人間多少士一門男子頭頭立只其間如許廣
文君誰人識 冠蓋會漁樵席豪氣度清標格要安排
穩當講帷詞掖蜀泮堂堂元不惡猶嫌偏惠天西壁囑
公卿著眼看乾坤搜人物

劉左史光祖生日

天生耆德占斷四時先
春院落錦山川萬家燈市明
朱紫一庭花艷傍貂蟬
婦承姑翁抱息子差肩
匱匣是

文公開九袞

司馬溫公語也
文公謂文潞公

陸續看武公踰九十從九

九到千千海風謾送天
鷄舞蟄雷未喚壑龍眠
且從他歌緩緩鼓咽咽

人日南山約應提刑

懋之

無邊春色人情苦
向南山覓村村
簫鼓家家笛
祈麥祈

蠶來趁元正七
翁前子後孫扶掖商行賈坐農耕織
須知此意無今昔會得為人日日是人日

上元馬上口占呈應提刑

懋之

連夕雨盈疇先為農家做麥秋更放年頭晴甲子知不
應是天公及爾游
隨事與民求又與隨時驗樂憂民
氣樂時天亦好休休為爾簪花插滿頭

過凌雲和張太博

方水調歌頭

千古峨眉月照我別離杯
故人中歲聚散脉脉若為懷

醉帽三更風雨別袂一簾山色為放笑眉開握手道舊
故抵掌論人才 山中人竈間婢亦驚猜江頭新漲催
發欲去重徘徊世事絲絲滿髮歲月忽忽上面渴夢肺
生埃酒罷聽客去公亦賦歸來

張太博方送別壁津樓再賦即席和

樣擢漢嘉口更盡渭城杯凌雲山色似為行客苦傷懷
橫出半天烟雨鎖定一川風景未放客船開想見此樓
上閱盡蜀人才 山猿鶴江鷗鷺亦相猜滔滔日夜東

注全璧幾人回客亦莞然成笑多少醉生夢死轉首總
成埃信屈四時耳寒暑往還來

次韻黃叙州

闕滿江紅

風引舟來恰趁得東樓嘉集正滿眼轉紅重碧照筵浮
席更是姓黃人作守重新墨妙亭遺跡對暮天疎雨話
鄉情更籌急嗟世眼迷朱碧矜氣勢才呼吸彼蔡章
安在千年黃筆腐鼠那能鷓鳳嚇怒蜩未信冥鵬翼與
使君酌酒酌興亡澆今昔

次韻黃叙州闕水調歌頭

烟雨歛江色江水大於杯蓬窓一枕宵夢忽忽到無懷
苦被江頭新漲推起天涯倦客萬里片帆開收用到我
輩天下豈無才路漫漫行又止信還猜淵魚得失有
分須載月明回寄語鶴山親友若訪吾廬花柳為我掃
烟埃去去儻無辱振袂早歸來

次韻虞夔憲剛簡新作巴綵亭

江橫山簇栢箭森如束滿眼飛蓬撩亂知幾歲未膏沐

快意忽破竹一奩明翠玉千古江山只麼人都道為
君綠

生日前數日楊仲博約戴酒見訪即席次韻

風定波紋細夜無塵雲迷地軸月流天位搖曳飛來江
山鶴猶作故鄉嘹唳清鏡裏伴人無睡應嘆余生舟似
汎浪濤中幾度身常試書有恨劍無氣從渠俗耳追
繁吹撫空明一窻寒簟對人如砥夢倚銀河天外立雲
露惺惺滿袂看多少人間嬉戲要話斯心無分付路茫

茫還有親朋至應為我倒壘洗

李季允直約登鄂州南樓即席次韻

携月上南樓月已穿雲去莫照我眉最上峰同在峰前
住東望極青齊西顧窮商許酒到憂邊總未知猶認
胡床處

李季允直同總漕載酒湖干相送即席再和

能得幾時留王事催人去翠蕩涵空酒滿船苦要留人
住身世兩悠悠飄泊知何許但得心親志合時都是

相逢處

李季允曾為白芙蕖賦卜算子至是久旱得雨

借前韻有賦

風雨滿空霏總得江山妙洗出湖光鏡似明不受纖塵
淖心事竟堪憑天意真難料呼吸豐年頃刻間也合
軒渠笑

次韻西叔詹叔兄嘉甫弟惠生日詞

昨夢鶴山去風景逐時新藕花拍滿欄角松竹被池頻

盡日兄酥弟酪觸處言鯖義牒相對只翁卿

高魏山弟

夢覺

帝鄉遠有酒為誰傾 忽飛來天外句夢中人自憐何

事強把麋鹿畏朝紳

一作便花歸高
岫橫竹挂朝紳

坐看九衢車馬鞭

策長安日月擔閣太玄經只說來時節金氣已高明

孫靖州應龍生日 八月八日

恰秋光四十算斗外月初弦笑淺瀨平蕪寒城小市掌
許山川半生夢魂不到與君侯歲歲此周旋鞍馬空銷
髀肉兜牟未換貂蟬 人生天地兩儀間須住百餘年

數重卦三三後天八八來日千千面前路頭儘濶放規
模運量十分寬官職終還分定兒孫也靠心傳

又孫靖州應龍生日

九十九峯下百二十年州西風吹起客夢月滿驛南樓
影入天河左界辰在壽星向上還是去年秋要和木蘭
曲載酒壽君侯 天邊信雲外步去難留壽觴庭院依
舊已帶別離愁離合鍾情未免行止關人何事浪白世
間頭將相時來作身健百無憂

范靖州良輔生日十月二十日

猶託端門外鞭袖五更寒一聲天上鐘柝金鎖掣重關
君向紫宸上閣我侍玉皇香案都號舍人班夢覺帝鄉
遠相對兩蒼顏玉圍腰金繫肘繡籠鞮鄉人衮衮嚴
近五馬度荆山收拾五湖氣度卷束蟠胃兵甲春意滿
人間天錫公純嘏氣象自平寬

靖州江通判塤生日

日上牛頭度歲辰黃鍾吹籥煦乾坤弦歌堂上三稱壽

風月亭前又有君 人似舊景長新
明朝六柱侍雙椿
蠻邦父老驚曾見 得似君家別有春

和虞壻惠生日

月上南箕還認得 去年星歷知誰把
一天星象盪摩朝
夕若使平生渾自棄 如今老大何嗟及
更年來偏得鈍
工夫蹉跎力 溪瘴礙蠻烟
隔穹壤斷江山
窄縱燕巾
濫寶楚山囚 玉小小窮通都未問
忍聞同氣相煎急
誦
虞郎百字短長詩 憂何極

范靖州

良輔

生日

十月二十日二十三日
文十一月節

誰把璿璣運化工參旗又挂玉梅東
三三律琯聲餘亥九九玄經卦起中
新歲月舊游從一觴還似去年冬

人間事會無終極分付翹關老令公

郭令公以武舉翹關負米科

江通判 頃生日

東窻五老峯前月南窻九疊坡前雪
推出侍郎山著君窻戶間 離騷鄉裡住
恰記庚寅度挹取芷蘭芳酌君千歲觴

綿州表兄生日

紹定壬辰五月

被東風吹送都看盡蜀山川向涪水西來東山右去劍閣南旋家家露餐風宿數旬間渾不見炊烟踏遍王孫草畔眼明帝子城邊萬家赤子日高眠絲管夜喧闐自梓遂而東岷峩向裏漢益從前人人里歌塗詠願君侯長與作蕃宣我願時清無事早歸相伴華顛

榮州表兄生日

幸有天遮蔽為西南空虛一面挺生男子塞下將軍支

願卧夜半攬衣推起掃十萬蕃兒如洗見說巴山稍馬
退也都因糧運如流水劍以北一人耳十年夢斷斜
陽外恰歸來菖蒲蘸酒祝兄千歲入從出藩誰不是誰
是難兄難弟正樂意融融未已莫趣東方千騎去願時
平華皓長相對閒富貴只如此

高嘉定生日和所惠韻

高氏八千石騶哄溢街坊庸夫俗子誇道綿繡裏家鄉
誰識書生心事各要濟時行已肯顧利名場用我吾所

欲不用亦何傷 漢嘉守凡閱歷幾麾幢便教入從出
節都是分之常但願國安人壽更只專城也好不用較
彊梁準擬者英會倚杖看人忙

送蔣成父

公順

風雪錮遷客閉戶緊蒙頭一聲門外剝啄客有從予游
直自離騷國裏行到林間

鶴山人
子雲

屋畔萬里入雙眸世

態隨炎去此意澹於秋 感畢逋懷桔鞠詠夫不

騷也
興不

違將
父母 尋師學道雖樂吾母有離憂歲晚巫雲峽雨春日

楚烟湘月詩思滿歸舟來日重過我應記火西流

韓退之云

歐陽詹舍父母之養以來京師雖有離憂其志樂也此語有礙今反之

高嘉定生日

秦叔

記年時三星明處尊前携手相語家山幸有瓜和芋何
苦投身官府誰知道尚隨逐風華為蜀分南土依前廉
取便捲却旌麾提將繡斧天口笑應許逢初度從頭
要為君數怕君驚落前箸天東扶木三千丈不照關河
烟雨誰砥柱想造物生才肯恁無分付九州風露待公

等歸來為清天步容我賦歸去

上巳和黃成之韻

尚記春歸日錦繡裏江城誰推日馭西去水認故鄉痕
魚鳥自飛自躍紅紫誰開誰落天運渺無聲四序鎮如
此當當復亭亭是何年修禊事暢幽情競傳元已天
氣別是一般清便引鄭郊溱洧不道孔門沂泗大道掌
如平待挽迷津者都向此中行

中秋

輕露濯秋風新樓插太空更遭逢解事天公為喚羲和
驅六馬將杲日掛簾櫳日影玉沈紅須臾月在東百
萬家樂意融融民意樂時天亦好聊與衆一尊同

別吳毅夫趙仲權史敏叔朱擇善

朔雪上征衣春風送客歸萬楊花數點榴枝春事無多
天不管教爛熳任離披開謝本同機榮枯自一時算
天公不遣春知但得溶溶生意在隨冷暖鎮芳菲

江東漕使兄高瞻叔生日

端平丙申五月

堪怪兩外府使傳載朝纓雖云身在江表都號漢公卿
莫是才堪世用莫是有人吹送中外爾聯榮天運自消
息龍蠖不關情更尋思誰得失孰虧成潛魚要向深
渺猶恐太分明且願時清無事長把書生閣束歸踐對
床盟強似抗塵俗歲歲上陪京

建康留守陳尚書牋生日

天地一大物扶植要人才人才誰是不肯隨俗強追陪
與我言兮我願莫我知兮誰怨全仗帝為媒此意久寥

闊今見者留臺 笏圍腰書初屋騎籠街時賢白盡鬚
髮老子抑名齋更取堂名淇綠要把北山萬竹一日倚
雲栽自處只如此將相任時來

淮西總領蔡少卿 範生日

人物盛乾淳東嘉最得人費江山幾許精神我已後時
猶徧識君子子又相親 秋入塞垣新風寒上醉痕萬
百般倚靠蒼旻只願諸賢長壽健容老我著閒身

中秋新河

正秋陰盛處忽盪起一水輪甚漢魏從前才人勝士斷
簡殘文都無一詞賞翫更擬將美色似非倫此意誰能
領會自誇光景長新 得陰多處倍精神俗眼轉增明
向大第高樓癡兒騃女脆竹繁裊此心到頭未穩莫古
人真不及今人坐看兩儀消長靜觀千古澆淳

偶書

被西風吹不斷新愁吾歸欲安歸望秦雲蒼澹蜀山渺
莽楚澤平漪鴻雁依人正急不奈稻梁稀獨立蒼茫外

數遍羣飛 多少曹苻氣勢只數舟燥葦一局枯棋更
完顏何事花玉困重圍算眼前未知誰恃恃蒼天終古
界邊垂還須念人謀如舊天意難知

鶴山集卷九十六

欽定四庫全書

鶴山集卷九十七

宋 魏了翁 撰

歌行

送張總御金護餉益昌

陳陳之粟誇西都長旗一搖掃地無剝民肌血事軍賦
天乎生此桑大夫有唐藩方旣旅拒中朝獨仰江淮租
士安雖善操低昂弘羊百世仍同塗要知元和國計簿
不以末世供軍圖人間遺利或盡取天下大本須持扶

餉臺今復張省主

張省主乃
安道曾孫

建置不用新規模但云宅

家本忠厚當為己責寬宿逋操觚數草便民奏不用逋
瘡及寧膚只將常賦供調度澤中有水民其蘇八十餘
年久兵革有弓未弛仍張舒軍儲粒粒皆汗禾植根雖
固憂其枯矧今兩虎方血鬪坐使叢鷗為吾毆守邊但
用平平策主計不湏急急符苔封木牛卧流馬塞南塞
北無單于安西相君坐專閫與公體國心腸敷智名勇
功不挂眼男粟女布思其餘玉皇正用富民相當見二

公對府持鈞樞

南閣行

北城之陽有南閣李家石林丈人作上有儲皇資善顏
下有先世淳熙腳前瞻平遠後闡閣左揖墓頤右龍鶴
丙丁架上書衡從甲乙檻前石參錯有時晨策披氤氳
九萬帝青闔簾幕有時夜几憑沈寥海牛挂空月為箔
啾嘈市聲不我即淡沲春風無處著斯干秩秩兄弟好
伐木丁丁友朋樂我亦時為未至賓尊前往往追酬酢

主人挽我觀南山南山分明在天角豈不倍朝濟浮雲
翳林薄浮雲白衣蒼狗耳須臾變態山自若置之姑勿
道願言細商略試觀天地之最中坎北離南儼成列人
以一心位兩間取象為離豈徒設譬如南方萬物皆相
見又如日中織微靡不炤亭亭當當亦綽綽遠看鳶魚
近夫婦仰觀宇宙俯今昨隨事炯然存旦晝敢金爍主
人聞此笑而興謂我此言亦觀喙次成古歌行聊當南

閣說

山河嘆送劉左史

光祖歸簡州

山河兩戒南北分天地一氣內外鈞譬諸指搗非害事
往往四體為不信惟今強寇相噬吞人言雪恥茲其辰
盍驅下莊刺鬪虎又嗾盧狔擒狡魏天王仁愛兼南北
猶遣升勺蘇窮鱗諸公亦復創前誤閉戶不肯顧鬪鄰
流移降附莫皇卹斬艾驅迫如窮麕誰知炎炎將及我
事體不與開禧倫竟因示弱啓外侮羽書赤白驚嚴宸
天王坐朝色不怡我非爾畏民吾民急從雨中徹桑土

更向火後移突薪大官亦復變前說羣而和者非一人

制書丁寧示招納符檄旁午申拊循臣某

一作珏

奉詔移

江介臣某

一作方

董師留漢濱西南憂顧誰其寬即授臣

某

一作居誼

留川秦夫何廷論忽中變復議保境思和親迅

雷烈風僅翻覆明虹霽日俄逡巡敵人擲榆膽滿幹志

士憤鬱齒穿齧東由海泗盡襄漢西起梁泗連房均暴

骸蹠血蔽原谷奪險因糧空窖困將軍憂恚或自斃列

校偃蹇不可馴縣徵更賦不遺算郡空少府無餘緡邊

頭被兵甫屬耳公私已屈憂方新靜惟人事百罔一恃
以亡恐惟蒼旻蒼旻茫茫若為度但見咎異來相因連
年夏旱天無雲江淮湖浙田生塵飛蝗排空如羽陣噍
類猥衆何詵詵黓南山萃陵谷異后土矢矢如轉輪春
秋二百四十載地震纔五茲何頻去年西南復告旱徧
以牲幣走百神太陽朔蝕忽無光金星晝見亦累旬漢
沔沸騰地移軸涪潼溢溢濤翻銀星文屢變台符坼陰
象較著陽德屯外為兵戈為蕃國內為宮壺為羣臣天

心渝怒有如此猶以譴告施其仁懼而修政庶可弭恬
不知警將仍臻且如前年旱蝗日開道求諫頒明綸庭
中不鳴自如故猶有下位人姓陳內言椒房之舛令外
及丞相之狎賓能如章向觸權忌不効欽永攻上身同
時六館之髦彥陳義固爭尤肫肫藐如無聞亦異已宰
士忿疾丞相嗔彼唐畋鐸何物耳詞鄙意佞如吠狺外
省胡獨行其言公然賤玉而貴璠自時厥後益懲創過
絕言路忘諮詢直臣久矣甚棄梗公道不迪隨荒榛嘗

居承疑轉猜忌稍負望實尤沉淪人心所同即天意四方感感天亦顰公今掉頭不肯住携家歸踏西園春大賢與國同休戚寧忍赤子方嘖呻我非荷蕢不知磬擬效執輿來問津請賦白駒之卒章願公飲酒車無巾

致語

燕新利路李運使

玄都觀裏桃千樹久懷既去之思房相湖邊鵝一羣復動重來之喜占星有爛披霧為榮恭惟都運龍圖雅量

鎮浮高標邁俗遠考世家之譜清葉裳裳近稽昆友之
原棣華韡韡粵濟膺仕藹著休聲尚遲潛省之游存領
專城之寄十夷州之卉服未泯謳歌九折阪之棠陰猶
聞蔽芾東征在即北去胡為爰啓皇華用酬雅餞惟公
正廉明之譽又東清朝宜彫殘困弊之餘迺煩膚使先
聲攸旣輿允維均知府校書既忝葭莩又同桑梓偶此
分符之未幾屬聞濡轡之來臨不及陪臨叩諸公從
門下以獻酒尚能以廣漢太守偕縣令而先驅舜琴等

幸觀光華獲居早末聊陳韻語用贊華筵

口號

怪底梅花破臘前祇因春色到湖邊
虹飛雲錦看華轡
膾縷尊絲秩玳筵今日房園供邂逅
明朝漢省接馨妍
一觴遮莫霜天曉梅角聲中更少延

燕孫節推

望之


考辛未鼎科之日粵惟文懿之賢由甲子三周而來又
見聞孫之盛豈惟士大夫郡有此鮮儷蓋凡儒家者流

指於榮觀工歌鳴鹿之三燕舉嘉魚之什恭惟某官書樓名胄山學故家人稱諸孫之孫世謂君子之子行誼藹然於大學名聲籍甚於諸公十年不出都城未嘗宿許史廬而入金張館一朝遂擅天下殆將摩屈賈壘而短曹劉牆由河陽處士廬佐西川節度府雖負陸侯之寶劍喜扶潘母之輕軒將不待於外庸便入躋於中秘毛女峯前尋舊約紫鰲禁裡看重遊知郡校書向來投分於儒庠今者託交於仁里第二舉狀元及第真不輸

胡旦之籌十三名進士登科敢謂傳和凝之鉢詹階符
之兩兩慶前後之三三仰贊華筵可無韻語

口號

身是書樓東眷孫老仙況復種仙根高科恰是承先躅
盛事還應表里門堂上承顏情最樂窻前草制夢猶存
著鞭且向長安道春色如今紫詔溫



鶴山集卷九十七

欽定四庫全書

集部
鶴山集卷九十八至一百

詳校官庶享臣張溥

主事臣呂雲棟覆勘

總校官檢討臣何思鈞

校對官中書臣宋枋遠

謄錄監生臣陳槎

欽定四庫全書

鶴山集卷九十八

宋 魏了翁 撰

祝文

導善觀人日祈雨

踰時不雨深憂宿麥之傷靡神弗宗尚缺祈年之望循
愆陽之示異繫謬政之爽中新年換故年涉春已久元
日至人日常燠有加方茲領事之初惕若求躬之託亟
修圭薦仰叩穹崇伏望興雨其濛大慰來麤之望多稼

且碩用資終歲之勤

焚黃告先墓文

嗚呼子不夭不逮事厥父母亦惟衣厥父事以無敢失
墜歲己未猥以薄技濫齒峻甲該龍飛恩賜進士第一
人躡昇京秩越四年癸亥以國子正造朝明年為武學
博士又明年召試賓館六月以實歷湊前學官減年遂
得陞朝又明年九月上祀明堂同休諸臣某時由校書
郎出守漢嘉既陞辭猶以官簿得贈考承事郎妣孺人

今年始克還墓下以命書之副告吁何及矣弗可贖也
矣不孝不令豈其自致實繫我先世克績我家遺我後
人休其不肖嗣特蒙積行之成以不隕其世以奉而致
之於我考妣焉耳矣雖然亦尚有可勉者體受敬身以
期無忝以庶幾顯揚萬一以對揚天子之寵靈則今其
未死兢斯惕斯圖惟酬斯惟神之鑒斯

焚黃告楊孺人墓文

嗚呼君棄余而死今五年矣而墓之木縱縱其陰君死

之年之冬余造朝明年甲子九月二十六日女壁海亦不幸以病死於臨安之官舍矣恍昔懼之猶夢慨響象之滋邈弗可追也矣又明年六月余始以寶歷湊學官減年得陞朝又明年九月上祀明堂敷祭澤時由校書郎出守漢嘉己陞辭猶以官簿得贈考妣君亦得婦人初品封今年始克還墓下執命書之副以告吁穀不受祿死而飾壤何嗟及矣尚其有知以服天子之休命

祭先墓文

某治郡亡狀誤叨恩除司臬東梓嘗申審朝廷待報解
郡會憲漕空官制司速令上事遂於前月之晦上眉山
印綬涓十月之望祇服司存敢具所以忝竊告謝于祠
下靜惟庸虛荐更中外蔑然報效亦既苟免今委寄日
劇悵悵乎未知所以將厚望稱隆指者惟神尚陰相之
毋俾瘵敗而作神羞

代鄉人祭周孔祝文

古之士未嘗無求也而求其有益於得未嘗不欲仕也

而仕惡不由其道於鑠皇家尚倣周制三歲大比興其
賢能承學之士服先聖之訓有年矣于求于仕未之能
忘而無益於得不由其道則所不敢用修明薦以自歸
於斯文之宗惟聖尚終相之汜用有濟

梓潼廟祝文

某邛之鄙人也早緣末技濫齒峻甲佐兩川節度府召
官學省賜對禁林愚戇淺中輕沮邊議以取忤時好蓬
山未幾力陳詭郡冀便將親一遠闕廷八移歲館三辭

聘召再玷使麾推本所天已不待養尚冀有以慰母心也而繆政致異郡人遊觀死傷橫道遂使素嘗愠嫉者得以甘心焉尚賴寬恩僅從鐫免曾未半載即察前誣亟頒祠廩繼還舊秩復畀左符成命初頒申詔趣上厥惟忝冒寔惟我有神是嘏是祐敢不自知而郡大人微未知所以稱隆指者惟神聰明正直永奠西土祝釐禳沴咸克顧享是用圭薦以希靈佑匪釐敢祝惟沴實禳神鑒之哉

先聖祝文

某已試罔功固分久棄敢圖誤東畀守江鄉成命初頒
申詔趣上以未信之學冒承劇寄敗車傷錦廩乎未知
攸免獨惟敬信節愛聖有明訓敢不夙夜究圖以期無
負惟聖實鑒之

三蘇云獨惟一翁二李流風未泯高山
景行敢不夙夜敬共以期無愧神尚鑒
之

載英堂釋菜文

維士大夫郡遠有自來爰旣國朝風烈彌邵真祀于學

厥存彝章而象設渙然顧瞻罔一迺稽史牒郡乘家言
室於東廂列繪惟肖翼翼其序後先以時茲考厥成敬
用舍菜告於先聖先師神保如在是饗是皇啓佑後知
其永無斁

謁蘇文公祠祝文

眉號士大夫郡聖天子不以某不肖莫守茲土其在境
內凡百辟卿士有益於民者夙夜承祀無忒矧惟山川
炳靈世載蘇氏一翁二季先後相望文章事業在太史

氏之典策今居郡滿歲顧歲時奉嘗闕然弗講殆非所以厲賢崇化律我有民也用修圭薦展于宰下以內翰太師文忠公黃門文定公從祀既齊既稷神保攸歆敢不永與多士承繹斯文以毋忘德

祈晴

積陰為沴每深害稼之憂下民其咨尚缺祈年之願原乖氣之致異繫繆政之爽中方茲領事之初惕若求芻之託亟修圭薦仰致宗祈伏望帝靈居歆神聽來假杲

杲出日式蠲常雨之愆厭厭其苗俯慰大田之望

謝晴

曠曠其陰久缺大田之望杲杲出日為蠲常雨之愆既
阜既堅是刈是穫錫之多稼既荷神釐貽我來甦敢邀
終惠

祈雨 二月二十八日

春膏動陸期首種之向榮常燠爽中尚貽甦之缺望既
非下民之罪亦豈上帝之心惟守吏之弗虔乃愆陽之

示謹敢修圭薦仰冀惠寧伏望興雨其濛悉慰大田之
望多稼且碩用資終歲之勤

祈稷及諸廟祈雨

維莫之春常暘為沴時雨久曠土膏弗滋若吏之弗虔
政有闕繆以干陰陽之和則罰止厥躬元元何辜罹此
菑暵敢修明薦以冀惠寧儻賴神休敷霈嘉澤俾物無
疵癘楚麥以登則由吏若民咸永有嘉賴

謝雨

厥罰常暘慄農疇之告瘁以祈甘雨冀雲漢之惠寧果
蒙顧諟之仁亟霈涵濡之澤錫之多稼貽我來甦物無
疵癘之憂民有豐穰之望用伸報謝仍露懇祈惟靈造
之鑒觀悼民生之不易念一人耕而百人食振古如茲
使十日雨而五日風自今以始終承嘉惠沆用康年

寺觀祈雨

南訛紀候斯穡事之向榮旱魃為災慄農疇之告瘁既
非下民之罪亦豈上帝之心惟吏守之弗虔乃常暘之

示謹敢修主薦仰冀惠寧伏望興雨其濛悉慰大田之
槁多稼且碩用資終歲之勤

祭先墓文

某不孝不令徒賴世積之休猥繇薄技濫齒儒科自癸
亥造朝遂不獲躬汎掃于松檟夙夜廩廩惟祭祀之不
供是懼最後遷校書郎丐守漢嘉以歸清朝卹下惟欲
爾從中遭叛亂遡沿往復逮今年六月始獲善還舍里
越三月始展墓下之拜而致壤奠焉明日則爇黃於父

母妻之瑩自顧么麼繫誰云致實惟我先世克績我家
遺我後人休其不肖嗣持蒙積行之成以不墜厥世焉
耳矣雖然尚有可勉者體受敬身以期無忝以庶幾顯
揚萬一則今其未死兢斯惕斯惟神實保佑之

謁趙衛公雄祝文

於皇阜陵游精太平首撰大吏言授國成英英衛公命
世篤生立談寤主迪簡在廷典司百工身修庶明邦采
云亮王心亶寧淳熙之治于今耿光爰考敷歷昉于涪

濱迨還寧數復杭守旌流風善政蔚其猶存我生孔後
雖忝戚姻不及於公前授後承今以王命恪共明刑維
崇有爰維公所營是用往拜睇言風聲神其來娛監于
克誠

寺觀祈雪

朋陽起陸正宿麥之方興常燠爽中顧祈年之敢後矧
惟蜀左介在山丘土雖廣而民稀地既磽而功倍方冬
不雪嗣歲之憂且陰陽之久愆將疾癘之弗戒用修圭

薦庶底惠寧惟冀上天同雲式霈雰雰之澤大田多稼
少寬閔閔之憂

告射洪廟文

惟王嘉師厥有常性道失民散刑章以滋得情則矜閱
實其審矧惟貨惟反惟內惟來罔黜乃心將有不辜于
戮惟王吉士則又異于民無待而興無產而固今利祿
之誘胡亦不然干澤要爵已喪所貴甚至說遇貪獲謂
人不知其將誰欺帝寶臨汝某猥陳時臬受王嘉師郵

罰麗事既罔攸忽會攝將漕為王吉士謬職選舉有邦
攸謹曰教與刑茲惟何人敢共二事若曰使民以不寬
士罔佚遺則單見諛聞所不敢必惟自靖自獻謹所不
睹懼所不聞則昊天旦臨實鑒猷念神亦左右照知厥
心尚以是自勉惟神汜保佑之

改除潼川運判辭廟祝文

某頃被誤旨嘗以司臬兼攝漕引才謏能薄不堪供二
乃叨申命即俾為真廩乎未知攸濟既即憲治亟祇成

命將以詰朝往庀厥司惟神照知固有遐邇尚終相之
社稷壇謝晴文

間者常陰為沴害我粢盛于社于方祈求孔力惟神鑒
誤克麻于人劈析重陰顯行麗日既諧多稼爰啓來牟
織婦耕男居民行商忻忻衍衍咸荷神况吏實無狀神
罔恫怨不惠之罰而俾蒙成敢率厥僚肅恭以謝惟神
實保佑之

射洪縣截江告射洪神文

射洪瀕江為縣比歲水失故道岸屢崩官寺民廬壓覆是懼徙避無所某自春徂秋三過其土躬為相攸念非疏鑿故道以順水性遏截新流以除水患則歲一興築抗民之精而患固自若也民懼昏墊莫有固志殆猶行邁靡所止戾今不知援而止之是已溺之也於是物土慮材屬役賦丈遴敬事之吏以督工作合一府之斥幣以給丁庸隨山濬川使故道既通然後架筠捷石以捍新流或謂其迂或哂其愚亦惟拯民是問消功殫賄

不遑恤也吉日丁亥庀事云始惟我有神莫祀茲土敢
用圭薦以告事期惟神右之俾勿壞

春祈祝文

載芟載柞首重春祈敢迪彝章式陳明薦儻賴神况五
風十雨靡有愆戾使物無疵癘年穀順成則嘉與千里
之民敢忘昭報惟神沆保佑之

社稷壇祈雨

自冬徂春雨暘燠寒咸罔不時土膏用滋首種既入乃

旬有四日陽驕肆梗以害于垂成人情皇皇靡所馮依
職吏之愆民則何罪惟邦有社實司我民是用敬共以
祈甘澤沛然來下咸俾昭蘇儻穡事齊登物無疵癘則
若民若吏祇荷休德其永永無斁

社稷壇謝雨

頃以常暘為沴穡事告傷于社于方以祈甘雨滂沱來
下物意昭蘇吏責以寬人情胥悅敢帥寮吏敬謝神貺
惟神尚終相之

祭江神文

維郡瀕江地居下濕常陰未解江水橫流民墜塗泥罔
知攸舍吏則有罪民其何辜維我有神實宅茲土遏絕
汎濫剗剗重陰使民猶奠居吏逃曠責則荷神之賜寧
有弭忘

又

間以水沴禴于明神神保居歆江流遄返降丘宅土甫
奠厥居乃甲申之夕漲潦暴至厥明乙酉黜雲如屯向

日霾曠雨亘晨夜江溢常流民情皇皇宵寤晝訛惟懼
墊溺之復不免也吏實亡狀神降之罰則止厥躬元元
何辜大命近止敢以柔毛剛鬣制幣量齊申寓禱祈儻
水歸其壑民得平土而居則所不與邦人德神之惠者
有如大江

祭周孔文

竊惟成周令典造士以詩書禮樂興賢以德行道藝而
吾先聖先師之訓亦以溫良恭敬為求以見聞言行為

祿以仁義忠信為爵諸生服是明訓亦既有年應聘云
初敢述所聞以自歸於斯文之宗惟神尚終相之

代鄉人告靈應神文

昔先王肅恭明神教民昭事祈報以無忘本始維坊農
表啜之蜡門行戶竈之享伯侯祖縣之靈有德于民則
無不崇也矧惟大神令德孝恭奠祀坤倪士之德爵神
實司之應聘云初敢用祇通舊典誌祀于我有神尚無
忘本始之薦庶綏靈顧襲于休祥

代鄉人祭靈應廟文

維我有神世篤忠孝承寧帝命陰隲斯文維我有士追
通本始寅念于祀罔或不虔矧茲靈辰揆度云始敢修
祀物祇薦精純尚其來娛崇降多福

靈惠廟祈雨

維莫之春嘉生動陸雖時雨之數下尚土膏之弗滋人
情嗷嗷靡所底告敢用牲醴以告于我有神庶幾顧歆
大霈嘉澤終惠多稼汜成康年則荷神之休曷維其已

天慶觀祈雨

三陽動陸正宿麥之方興一雨愆期懼土膏之未奮矧
惟蜀左介在山椒地廣而民稀田硤而功倍冬深未雪
歲首尚暘又念陰陽之或乖亦將疾癘之不免用修圭
薦亟控宗祈惟冀霈潤澤於羣生散之霖霖變札瘥為
和氣襲于休祥

社稷壇祈雨

某自抵厥官荷神之休雨澤洊至首種既入乃決辰之

間陽驕弗戢以害于垂成人情皇皇易喜為憂靡所馮
依職吏之愆民則何罪惟邦有社實司我民是用敬共
以祈終惠儻沛然下雨咸俾昭蘇穡事濟登物無疵癘
則若民若吏祇荷神保其永永無斃謹以制幣清酌脯
醢明薦于社神稷神社神以后土勾龍氏稷神以后稷
氏配神作主

靈惠廟生辰祝文

我有民人我神祐之我有田疇我神雨之時裡歲祀我

儀主之誕彌厥旦我民赴之享有舊典我儀舉之無腆
具脩神毋吐之

靈應廟神父生日祭文

惟我有神世篤忠孝是生哲嗣陰隲斯文惟我有士追
適本始寅念于祀罔或不虔維仲之春揆度云始敢修
祀物祇薦精禋尚其來娛比我有士時厥純嘏襲于休
祥

祭靈應神文

惟王生為正人沒為明神生則令德純孝垂世範俗沒而備物之享貤于其親二月中吉維聖考揆度之辰郡有彛典酌醴薦純惟王其歆之訖我有士福我有民

再祈雨

農有三時而東作實為首種凡資糧錢鏹實取具焉而方春愆陽害我穡事于方于社若既應祈乃旬日以來復有曠廢之慮惟我神保奠祀茲土出雲為雨以惠我民則于神是望敢敬共以告尚克顧享

社稷壇再禱雨

春日愆陽農疇告瘁吏則有罪民其何辜惟我有神憫
茲下地敷遺甘雨以綏來牟則民業用安吏瘵少逭神
亦永有依嗚乎尚鑒之哉

詈湫文

某自抵厥官既四閱月天久不雨以害我穡事雖然豈
誠不雨者殆杯水車薪不足以勝爾今浸迫南諺秀麥
被野又五日不雨蔣麥且稿死種陸之種蔣不入土饑

謹將至疾癘乘之嗚乎神之空我師乃至此也守之庸
虛自底不類則自蓄于厥躬不于其躬于其無辜之氓
神之降罔是為爽忒且神之馮依而人所輸何也亦惟
俟禳禱神人交賴焉耳守率僚吏若士民有事于神亦
既累日而神如不聞立而視民之死而不恤也然則民
安所復望也謹以元湫投之江流神其有知奮張馮怒
連出雲為風雨則尚有以章神之心惠被我師守雖無
狀寧忘報塞

撓湫文

守遣僚吏有事于神神卧而不我聽也然則民安所復望也挾此躬詣湫潭縱金伐鼓以請神庶幾改之

東嶽生辰祝文

清寧奠位五嶽方峙維東曰岱帝實主之初度嘉名相傳自昔舊儀肅穆罔敢不虔惟今春暘過亢膏澤未洽麥不堅好稻種不入帝閔下地儻出雲為雨以澤四境使百穀登阜民用安安則吏瘼其少逭敢併以請

進士題名大成殿舍菜文

某學未能信冒承民社之託圖所以崇化善俗者惟教
學明倫簡修旌淑所不敢後昔歲大比邑士王辰應等
八人以經明行修為天子使入治其民今將服厥采敢
適舊典用舍菜之禮于我先聖退而書名于泮示不忘
德且俾承學之士有觀焉

明堂後祀百神文

於鑠皇家哀祀廟室既竣釐事爰濡惠術眷我有神輔

天福民申嚴報祀命吏薦陳吏敢不共王之休命重惟
愆陽奪我冬令凍閉不密雷出非時敢併以告神其來
俟導迎時和推廣德意雨我大田以開嗣歲

社稷諸廟禱雨

自冬愆陽雨雪未應于方于社靡神不舉神不我答而
屯其膏神其聰明則降罰于吏躬毋使我民饑而死也
敢率寮吏躋躬俟命神鑒之哉

周程三先生賜謚舍菜祝文

嗚呼大道湮阨千五百年人安於時君之化士習於世
儒之言清虛即明理之極詞華即間代之賢富貴即稽
古之力功利即用世之權大哉人乎成位兩間蓋鬼神
之會而五行之端天命我作天明我先人之大也氣命
於德則日星山川事感於證則雨暘燠寒天且不違而
過其躬者乃若是之顛顛微吾周子首發其祕二程夫
子親得其傳知幾於屈信動靜之感觀生於性命理氣
之源明一本以示人則亦惡睹夫我生之全奉常易三

子之名曰純曰正而首以元雖出於一介外臣之請而人不咎其僭且專信道之將行而文之未喪在天非人力之能爾乃是心之同然敢繪德容于學東偏併以命書之三勒于牲石之前無腆幣醴告神揭虔明中子之謚則嗣有請焉嗚乎凡我受學之士疇敢不祇治理所關

告先墓文

紹定五年

某猥由愚戇自速罪辜偶被誤恩放歸田里盡還職秩

申昇真祠脫命讒波挺身寇焰十年于外一日生還職是僥踰繫神之庇敢共酒幣悉帥妻孥展墓告哀神其歆止

告楊宜人墓文

嘉定三年夏君以疾卒是年秋卜何村之癸山以葬今三十年矣而陰陽家者流多言其不利幽明雖異情則一致竊計九原有知亦不能即安于此土也用改卜茅林先墓之側得乾山之原爰以今辰啓壙舉柩徙於新

兆之廬越七日甲申即窆謹以清酌庶羞陳于墓前

社稷壇祈雨

劍之南東土碯田下十日不雨四民嗷嗷矧時朱煒陽
沴弗戢職吏為孽繫民何辜民生所資于社于稷謹率
僚吏敢共幣辭神其來媮雨我多稼瞻仰以俟降假是
期

諸廟禱雨

劍之南東土碯田下十日不雨四民嗷嗷矧時朱明陽

疹弗戢職吏為孽繫民何辜惟我有神廟食茲土匪迨
吏譴亦為神羞神其來娛雨我多稼永與民吏荷神之
休

再祈雨社稷壇

比以亢旱謁于神保神弗我顧驕陽如暎耕耨失時大
命攸繫敢再用幣以祈以禳神其哀恫益之霖霖雨我
多稼神不民恤將率具僚敬共夙宵得請乃已

社稷諸廟祈晴

比以積潦霖圯于水龍見戒事茲維其時乃以常雨害
我穡事神尚陰相剗剗重陰俾克勸功迄底成績荷神
之賜寧有弭忘

春祀祝文

維莫之春農功載新厥有彝章祈于有神神聽來娛顧
享苾芬庶幾旃魚夢我牧人

過資州展外舅提刑楊大夫墓祝文

龍集閭茂造公之居其在涪灘別公之祛公不憇留荆

江之墟欲逆公喪乘使者車欲視公窆攝郡守符厥三
十年被命守瀘上印趨召道公鄉閭始以漬絮傅于生
芻借我婦子見吾舅姑嗚乎公乎其有知夫尚輔吾志
如平生與

赴召辭先墓及諸廟祝文

上親攬萬機凡為權臣所嫉者以次召還某誤在選中
辭不獲命神靈陰相職是僥踰將簡元辰往趨嚴詔不
負所學是報神庥

焚黃告先墓文

上踐阼之歲某自柱下吏升事官之貳未幾以言事得罪贈祿之命凡十餘年不敢以請比歲生還起家為吏會宗祀明堂先考妣以恩升四品官明年改元親政被命勒諸樂石以其貳焚于墓神其有知歆此休命尚幾終相毋為神羞

禡祭祝文

古者師行必有禡祭鄭氏謂是祭也禱氣勢之增倍蠢

茲要荒敢犯王畧天子震怒受命仗鉞專征董師七路
謹用牲以告于神惟神典司五兵具在載籍其佑我王
國相我戎昭儻賴神休肅清天步匪惟受任之臣得以
復命于天子將社稷生靈實嘉賴之

池州祭文孝廟

惟神以禦菑捍患秩在祀典蠢彼狂獍自干天誅受我
亂民整居王略天子震怒以一介臣為八州督恪共武
服師次池陽神其相我戎昭殄彼羣醜肅清天步以赫

神之靈

祭富池廟祝文

惟神以捍患禦灾秩在祀典蠢彼狂獗自干天誅受我
亂民虔劉疆圉天子震怒以一介臣為八州督東至于
海西接固陵北盡漢淮南暨湘淦

古南切又古
暗切縣名也

力小任

重未知攸濟神其相我武服殄彼羣醜安安天步以赫
神之靈

鶴山集卷九十八